

**UTOM MME LEVITE**  
**Numbers 3:5-17, 21-51; 4:1-33**  
**QYQH QKPEP-ŊKPQ 90**

**Eke Ikpọ Owo**

**IKQ IBUOT: “Mmama ndinam se afo amade, O Abasi mi, mbet fo enyuñ edu mi ke esit” (Psalm 40:8).**

**I Mme Levite Edi Se Israel Ewade Enọ Abasi**

1. Mme Levite ekedi se ekesionode saña-saña enim nte mbet Abasi eketemede ke ndinam edisana utom, Numbers 3:5-10; 8:5-22; Deuteronomy 10:8, 9; 33:8-11
2. Ewuhọ Abasi emi ama ayarare ifet emi Nditọ Israel ekeduokde, emi akanade nte kpukpru mmọ ebuana ke utom Abasi, enyuñ enam uduak Esie emi Enye okoyomde mmọ nte akwa idut edi se esiode enim saña-saña ndinam utom Esie, Numbers 3:11-13; Exodus 13:1, 2, 11-13; 19:5, 6; 1 Peter 2:5; Eriyarare 1:6; 20:6
3. Abasi ama ọnọ Moses uyo ete yak abat, oro edi, osio onim saña-saña, kpukpru nditọ iren ye ikpọ owo emi etode esien Levi, ọtọñode ke eyen ọfiọñ kiet dọk ka iso, Numbers 3:14-17, 39; 4:46-49
4. Kpukpru mme akpan ke Israel ema ekeduok unen mmọ nte mme anam ńkpọ ke itie ukpono Abasi, ema ekabade eda mme Levi enim ke itie mmọ, Levi kiet ke ibuoat akpan emi amanade ọnọ Israel, ye ufene mme Levi ke ibuoat akpan ke ufene emi amanade ọnọ Israel, Numbers 3:40-45; 18:15, 16; Exodus 34:20
5. Ekọm-urua ufak emi ekedade efak mme akpan 273 emi ekesuhode ke Israel ekedi shekel ition, Numbers 3:46-51

**II Mme Utom Emi Enode Mme Levi**

6. Kpukpru mme Levi ekena edu ke idak Moses ye Aaron enam utom, Numbers 3:38
7. Mbon Gershon, nditọ emi etode ke ubon Gershon, akpan Levi: ema enyene nditọ iren owo 7,500 ọtọñode ke eyen ọfiọñ kiet ye mmọ eke ebade oro, 2,630 ekedi se ekemde ke idaha edinam ńkpọ nnọ Jehovah, Numbers 3:21, 22; 4:38-41  
Ekenam nna ke ńkañ efe-esop emi esede usop-utin, Numbers 3:23, 24  
Ithamar, oku, ukperedem eyen-eren Aaron, ekese ńkpọ abaña mmọ, Numbers 4:28  
Ekenim mmọ ndise ńkpọ mbaña efe-esop, ufuhọ-ńkpọ ye mme ikpehe emi eyiride ke usuñ, ye mme ikpehe ye uruk emi eyiride ke okure ye ikpehe emi eyiride ke enyin-usuñ efe-esop, Numbers 3:25, 26; 4:21-28
8. Mbon Kohath, emi etode ke ubon Kohath, udọ Levi: Ema enyene ibat nditọ iren, ọtọñode ke eyen ọfiọñ kiet, ye mmọ eke ebade oro, edi owo 8,600. Owo 2,750 ekedi mmọ emi ekemde ke idaha edinam ńkpọ nnọ Jehovah, Numbers 3:27, 28; 4:34-37  
Ekenam nna ke ńkañ Ataya emi esede usuk, Numbers 3:29, 30
9. Eleazar, oku akpan Aaron emi odude ke uwem, ekese ńkpọ abaña mmọ, Numbers 3:32; 4:16  
Mmọ ekekpeme ekebe ntiense, okpokoro uyo iso, uwuk utuenikañ, mme itie uwa, ikpehe ye mkpoduoho edisana ebiet, Numbers 3:31  
Enam esaña ke nde ke nde nte Abasi ke Idem Esie okobonde ńkpọ, Numbers 4:1-4  
Ema ebọ mme item ke abaña usuñ nte edikamade ńkpọ kiet-kiet, Numbers 4:5-15, 32  
Ema enam ńkpọ nditre ubuat-ubuat mkpa emi okpotode ndudue mme oku, ke edinam Moses ye Aaron etim enọ ntiñ enyin, Numbers 4:17-20  
Mbon Merari, mmọ emi etode ke oruk Merari, ukperedem eyen eren Levi:  
Ema enyene ibat iren owo 6,200 ọtọñode ke eyen ọfiọñ kiet ye mmọ eke ebade oro, 3,200 ekedi mmọ emi ekekemde idaha ndinam ńkpọ nnọ Jehovah, Numbers 4:33, 34; 4:42-45  
Ekenam nna ke ńkañ edere-edere Ataya, Numbers 3:35  
Ithamar, ukperedem eyen-eren Aaron, ekedi andise ńkpọ mbaña mmọ, Numbers 4:33  
Mmọ ekekpeme mme obukpọk mme bar, mme adaha mme socket, ye mme uruk Ataya ye efe-esop ye kpukpru ńkpọ unam utom mmọ, Numbers 3:36, 37; 4:29-33.

**SE EKPEPDE EBAÑA**

**Ekpri Otu Erọñ**

Ke adañaemi Moses okodude ke Obot Sinai ndibọ ibet nto Abasi, ekenim Aaron ye Hur ndise nditọ Israel enyin, mmọ emi ekerede ete ke ema ewak ebe owo 3,000,000 ke iren owo, iban ye nditowọñ. Ke ukpep-ńkpọ edem, nnyin ima ikut nte ke ndusuk mme ada-usuñ ye mme owo eken ema ekpu Abasi ke idiok usuñ, enyuñ enam eyen enañ o-gold ndikpono ke itie Abasi Abraham. Edi mmọ ema enam idiok-ńkpọ ototim ọdiok akan ke emi eketiñde ete ke mme abasi gold oro ekedi mmọ oro ekesionode mmọ efep ke isọñ Egypt.

Abasi ama etiñ ọnọ Moses se ikotibede ke nna, onyūñ ọdọñ enye aka akanam ñkpọ abaña. Nnyin ima ikut nte Moses akadade ke ufọt Abasi ye idut nsọñ-ibuot emi, odomo ke kpukpru ini ndikut ete ke enọ enyiñ Abasi ubọñ ke kpukpru ñkpọ, enyūñ ekan kpukpru ñkpọ, ye nte enye okokutde unen ke edinam mkpe-ubọk nnọ mmọ.

Ke ini emi ekenamde nditọ Israel ediọñọ ndudue mmọ, Moses ama ọnọ mmọ ikot emi akasañade ye mbume edimek, “Anie owo eda ye Jehovah?” Ñkpri ñkan esien ke ofuri idut emi, kpa mme Levi, ema eyere ke ndidiañare idem mmọ nsio ke ofuri otu owo. Ikotimke inọ Moses owo Abasi emi ndọñesit ndikut utọ ekpri ibat owo emi ekenyime ndiwọrọ nda, edi etie nte Abasi, emi enye akamade, ama ebebem iso ebeñe enye idem ọnọ utọ ñkpọ ntibe ntre. Nte isede ke mbuk eset, isiwakke ndidi uwak ibat, mme akwa otu mbon ekọñ emi ekopde item esinam utom Abasi ke isọñ ke ini ekededi. Jesus ama anam mme anditiene Enye efiọk ke ini Enye okodude ke isọñ ete ke edidi “ekpri otu erọñ” ke edinim itie inọ ke Heaven.

### **Ifet Emi Ekeduọkde**

Ke usen oro ema enọ idut emi ufen emi okokponde eti-eti; koro mbemiso utin ọsuhọre ke mbubreyo, owo 3,000 emi ekeikutde utin nte asiahade ke usen ubọk ekebono okpo ke isọñ. Ke eyihe miduhe mfuhọ ama okpon eti eti ke nna ke mme usen emi eketienede, oto ke ntak emi mbon ima mmọ ekekpāñade, edi nte mme ikọ anam-akpanikọ ada-usuñ mmọ okodukde ke esit mmọ, ema enyik nditọ Israel ndinyime nte ke ntak-urua mmimọ ama okpon akan nte mmọ ekekerede ke akpa. Mmọ ema ekut ndien ete ke odot ndinam emem ye Abasi emi mmọ ekeduede, emi onyūñ ayatde esit ye mmọ, ndien ke ntak emi Moses ama ebine Abasi ke mkpe-ubọk ke abaña ifet emi mmọ ekeduọkde. Ediwak usen ema ebe, ndien edinam emem emi asañade ye mbọm ama ada itie ndien ke emi, mmọ ndisuhọ ke mben Obot Sinai ama asaña ekpere utit.

Okosuk ana nte enam añaña mme idaha ke obufa Ibet emi mmọ ekebode, ndien ibọhọke tutu enam emi, mmọ ikekemeke ndifiọk se ñsọñibuot mmọ akakpade mmọ. Mme Levi ñko ikọdiọñọke kaña se ididide utip oto ke idaha uko mmọ. Edi ikemumke ọyọhọ edinam ikama ibighi, koro Abasi ama etiñ ọnọ Moses ete ada esien Levi ekpere, onyūñ ada mmọ ọnọ Aaron, oku. Se ewetde ebaña edinam ediyak idem mme Levi nnọ Abasi ke abaña utom mmọ (Numbers 8:5-22) etiñ ọnọ nnyin ete ke edida mmọ ñkpere ekedi ndida mmọ nnọ Abasi nte ñkpọ uwa emi ofuri idut Israel ekenode. Ekeyak mme Levi enọ Abasi nte “odu-uwem uwa” (Ñwed Mbon Rome 12:1).

Ke editọñọ, uduak Abasi ekedi ndinam kpukpru nditọ Israel edi mme andinam ñkpọ Abasi, utom emi ekesioñode ufọk kiet-kiet edinam. Ikoduhe utom emi ekenade eda ibat-ibat owo enam, mme owo efen, edi ofuri Israel akana nte edi obio oku (Exodus 19:5, 6). Ke ini ikpọ mme okpono Abasi mbemiso Moses, ada-ibuot ke ufọk kiet-kiet, mme owo emi emekde ke itie mmọ, ekesinam utom emi. Edi ke ini Abasi ama okosioñọ nditọ Israel ke isọñ Egypt onyūñ afak kpukpru akpan mmọ, Enye owuk ete, kpukpru akpan emi ekefakde edidi mmọ emi edidianarede enim ndinam utom Esie (Exodus 13:1, 2; 22:29).

Nso utọ enyene-ubọñ uduak! Didie ke ekpekedi utibe-ñkpọ ke ini oro, ye mfin emi, edieke kpukpru ufọk kiet-kiet ekpekebakde Abasi, ekpenyūñ enyime ndiyak mme akpan mmọ nnọ Abasi! Didie ke ikọ Abasi ọkpọsọsọp asuana ke ofuri ererimbot, okponyūñ asuana ke eyo nnyin, edieke ufọk ikot Abasi kiet-kiet ekpeyakde owo kiet ke ufọk mmọ enọ ndinam utom Abasi! Utip okpokpon didie ọnọ kpukpru mbon Abasi ke ini Andikpe-ikpe ofuri ererimbot okotde nnyin idida ke iso Esie! Uwem owo kiet-kiet ke isọñ ekpenem didie, onyūñ ọyọhọ ye idara ye inemesit emi edibighide, koro mmọ efiọkde ete imenyene ñwọrọ-nda utom ndinam ke iñwañ utom Abasi! Edi, edi ñkpọ mfuhọ, koro Abasi ekenyene ndidori enyin ke mme Levi ikpọñ-ikpọñ, kpa “ekpri otu erọñ” ke erinam utom Esie ke isọñ. Abasi nọ nnyin “mme Levi” emi ewakde, nyūñ nam awak akan ibat “ekpri otu erọñ” emi enamde akpanikọ!

Esitiñ ete ke isinyikke nyik mbon ekọñ isin ke ekọñ Abasi. Akpanikọ oro otim ọwọrọ ada ke ini emi ekemekde mme Levi ke itie akpan ke Israel. Mme Levi ke unyime esit mmọ, ema ewọrọ eda saña-saña enọ Abasi ke iso ediwak ikie ye mme tọsin nditọ Israel. Koro mmọ ekenyime ndinam ntem, Abasi ama ọnọ mmọ edimek itie ke utom Esie (Matthew 10:32). Ikadaha mmọ emi akanade nte eda itie ke mme itie utom emi nte uduak Abasi ekedide ke akpa, koro mmọ ikwọrọke ida ke ini ekenode ikot ediwọrọ nda ke ñkañ Abasi. Ediwak edu mfin emi, emi ekopde ikot edinam akpan utom nnọ Abasi, emi minamke utom oro, koro mmọ ñko miwọrọke “ida ke ñkañ Abasi.” Akpana mmọ efiọk ete ke kiet ke otu “ekpri otu erọñ” mọdo ke ebiet kiet, emi edibode utip ke itie mmọ koro enye okonyime onyūñ anamde utom Ọbọñ ye Ete-ufọk esie ke esit akpanikọ.

### **Nte Abasi Anamde Ñkpọ Ke Nde Ke Nde**

Itie efen iduhe ke Ñwed Abasi emi nnyin ikemede ndikut ntiñ-enyin ke edinam Abasi ke editim mbon, ye ọyọhọ-ọyọhọ edinam mme ñkpọ ye ikot Esie, ye ofuri ererimbot ñko, nte eyararede ewut ke mbet Israel. Owo ikanamke ñkpọ itiene nte otibede mme ndinam ntime-ntime. Ema esiak ñkpọ kiet-kiet ke enyiñ, enyūñ ewut itie esie ke ofuri ndutim, ekpedi ñkpọ oro edide ekpri, mme ekpetiede nte se midighe akpan ñkpọ.

Abasi idighe Abasi ndutime, inyūñ inemke esit ke ndutime, mme ke otime-otime ido, mme ubahare ke otu owo ke idaha utom Esie ekededi. Edisana Spirit ke mme edinam Esie ke esit owo emi onimde ke akpanikọ, mme ke utom Esie ke edida usuñ ke edikpono ye edinam utom Abasi, anam utom ke ini okutde edidiana kiet ye nsin-ifik

kiet. Enye inyeneke usuñ efen. Se ededi enamde ke ubahade, mme ke ndomo-idem, mme ke otime-otome ido, mme ke unana ntiñ enyin ke ofuri akpanikọ, edi se mitoho nda-usuñ Edisana Spirit, edi oto spirit abiaña.

Ekpuk emi etode ke ubon Kohath ke ekemek ndibiom ata ndisana ke kpukpru ñkpọ mbana edisana ebiet, Ekebe Ediom okpokoro uyo iso, uwuk utuenikañ, mme itie uwa ye mkpoduoho edisana ebiet. Mbemiso mmọ ebe eduk Ataya, Akwa oku ye mme udiana esie ema efuk kpukpru ñkpọ emi ebon enọ mmọ, mbak owo ndomo kiet edikpa koro ekokutde edisana ñkpọ emi mikenaha nte mmọ ekut.

Mme Gershon ekedi mmọ emi ekemanade eto Akpan Levi, edi, ikonqho mmọ itie eke okponde akan ke edinam ñkpọ Abasi. Mme edinam Abasi isiwakke ndisaña ukem ye mme edu uwem mbio obio, ndien ke ediwak ini, Enye esikponqre mme ido mbon obio emi onim ñkañ kiet, man anam uduak Esie qworq ada qnq owo. Moses ye Aaron eketo ke ubon Kohath, ndien ekeme ndidi ekenq mme Kohath ata ñworq-nda itie ke otu mme Levi, ke ntak edinam akpanikọ owo Abasi iba emi, akpan- akpan ke etide ebaña mbuqtidem ke mme usen oro Abasi akadade mme ufen etiene mbon Egypt nte ubierikpe.

Abasi ke Idemesie okonq mbon Gershon utom ke Ataya, ete ese ñkpọ ebaña kpukpru mme ikpehe ye se eyiride ye eke efe-esop ñko. Ke edinam emi, ediwak mkpoduoho ema edu ndida nsaña tqñqde ke itie kiet tutu osim eken ye tqñqde ke itie nna kiet tutu esim itie nna efen, ndien mmọ ekesida ukpat-ñkpọ iba emi efukde okom, emi enañ mbakara inañ ekesiduride, ebiom mme ñkpọ. Nditq mbon iren ke Israel, emi ekedade itie mme akpan ke Israel, itie emi ekedade enọ mme Levi, ekenq mme ukpat-ñkpọ ye enañ mbakara emi, nte enọ ima-esit. Emi edi utibe uwut-ñkpọ akwa ima, emi idem mme akpan emi ekekponqrede enim ekenyenede ke esit mmọ enọ mmọ emi ekeyakde idem enọ ndinam utom Abasi, emi ke oyqho inemesit, ekpon unen ye idaha mmọ nte nditq man enam uyo Abasi! (Se ke 1 Timothy 5:17).

Nyqho nsuhq ubon, eke mme Merari ema enyene mme utom eke edobide mbiomo akan eke mme otu ita eken. Ke ntak emi, Moses ama qnq mmọ mme ukpat-ñkpọ inañ, ye enañ-okponq itiaita, emi mme Akpan-mbon ke Israel ekedade edi. Utom mmọ ekedi ndibiom mme obukpok, mme bar, mme itiat idak-isqñ eke silver, mme obubok, mme okpoho ye mme uruk, ye kpukpru ñkpọ utom eke anade nte eda enam utom ediwak ufok emi ke itie ekededi eke Abasi edimekde ke akwa akai-ikot. Mfon-ñkan uduak Abasi afiak owut idem mi koro ke ini emi ubon Merari ekedide ñkpri-ñkan ke ibat, ke ini ekebatde kpukpru iren owo tqñqde ke owo emi ebede qfiqn kiet, mmọ ema enyene mmọ emi ekekemedede ndinam utom awak akan emi onyñ onq mmọ otu mme anam utom emi ekewakde ekan.

### **Ke Ini Adaha Obubit enyqn Adahade Isañ**

Ndutim Abasi ke edinam ñkpọ ama afiak qworq ada ke usuñ nte mme Levi ekenade enam utom eke enqde mmọ. Ubon kiet-kiet ama enyene udeme utom esie. Etiñ enq nnyin ete ke mmọ ema ebat ekom-urua mbiomo mmọ “ke enyñ.” Ema enq mmọ itie emi anade mmọ eda ke udim isañ, emi ekesañade kpa nte akwa otu mbon ekqn, emi esisit ubiat ini ekemedede ndida uwem ediwak owo. Kpukpru emi ekedi uwut-ñkpọ mfon-mma Abasi, ye usuñ emi Enye oyomde enam utom Esie (Numbers 4:49).

Ndusuk ekesiwak ndidi ke ata usen-ubok, ke ini nditq Israel esiwqrqde ke mme ufok-qfqn mmọ kiet-kiet edi, ke Adaha Obubit Enyqn esimen idem onyñ asañ aka ñkañ Canaan. Ndusuk, ke ñwak-ñkan ini, ekesidi ke ini uwa usen-ubok ke enyin mmọ ekesiwqnqre ese Ataya emi okowutde mkpa Mfonmma Uwa, eke edinyñ edide. Ke ini ekededi, usen-ubok mme mbubreyo, mme uwemeyo mme okoneyo, ndutime ikesiduhe. Usq-usq edida mme anam-utom ñka man ekewuhqde Ataya ye ndisana nsqn-urua ñkpọ eke ebonde do ikesiduhe. Utok mme eneni, ikoduhe ke ufot owo kiet ye eken ke abañ mme utq utom eke enqde mmọ. Ekenam kpukpru ñkpọ nte Abasi okonimde, ke edisana usuñ ye nte asañade ekekem.

Ufok kiet-kiet ekese ñkpọ ebaña mme ufok-qfqn ye mme mkpoduoho mmọ, edi mme ndimek, kpa nditq Levi emi ekenyenede unen, ekenyene ndibe nduk ke Ataya. Mme Levi eken ema ese ñkpọ ebaña kpukpru se mmọ ekpeyomde, enyñ etiene ebuana ke mme utip emi Abasi qnqde ke edinam akpanikọ. Kpukpru mme Levi ema enyene ubok ke utom, ndien kpukpru mmọ ekeme ndibq utip ke Heaven.

Ke ini iren owo emi esimde Ataya, Aaron ye nditq esie iren ema ekure utom ndibq nnyñ mfuk kpukpru ndisana ñkpọ-uto. Ke ukem-ukem udim isañ, ufok Kohath kiet-kiet eda idaha utom eke enqde mmọ. Mme ukpat-ñkpọ ikoduhe ndida nnam emi. Abasi ama onim ewuhq ete mmọ emi ekemekde ebiom Ekebe Ntiense Esie, uwuk utuenikañ, okpokoro, mme itie-uwa, ye ndisana mkpoduoho ke afara.

Ndien nditq Gershon eduk edi, edikqnqre mme ikpehe ye mme ufuhq-ñkpọ ikpa eke Ataya ye eke efe-esop, enyñ edqn kpukpru ke mme ukpat-ñkpọ mmọ. Nditq Merari ekesitiene mmọ ke edem, enyñ editañ mbiomo eke enqde mmọ, enyñ etim edqn mmọ ke mme ukpat-ñkpọ mmọ. Nditq Gershon ye nditq Merari, ekenq mmọ itie ke udim isañ ebem nditq Kohath iso.

Ke isañ usen kiet okurede, Adaha Obubit enyqn atuak ada, ndien nditq Israel efiok ete ke mmọ edu ke ebiet eke Abasi emekde mmọ ndinam nna. Ufok kiet-kiet ewuk ufok-qfqn esie ke ebiet emi Abasi ama ekebemiso emek, nte asañade ye itie eke ewukde Ataya. Utom mme Levi ke utq idaha emi, ke nde ke nde, ekesañ ukem- ukem nte ke

ini ekewuhorede nna enyū etoñode isañ. Mme Merari ye mbiomo eke edade ukwak enam ye se edade eto enam mme ikpehe utom ke Ataya ye efe-esop (emi ndusuk owo ebatde udobi mmọ nte ke ebe pound 21,000) edi ediwuk ukwak ye eto oro kiet-kiet ke itie emi odotde. Nditọ Gershon ediana do esaña ye mme ikpehe emi edokde eye eti-eti, ikpehe ebiet iduñ, mme ufuk-ñkpọ eke ekpuhorede uduot, ye mmọ eke enyenede uduot obot, ye mme uruk emi ekedude ke itie mmọ ke ini nditọ Kohath ekedide ye ndisana mkpoduoho ye mme ñkpọ mbana eken. Ubiat ini, mme ndutime ke usuñ ekededi ikoduhe.

Ke ndo-ndo oro Adaha Obubit enyōñ owutde nditọ Israel ye mme ada-usuñ mmọ itie ndinam nna, ema ewuk Ataya ekure usọp-usọp nte okposọñde owo idem ndinim ke akpanikọ. Idighe ñkpọ mkpaidem nte ke edinam emi ekesiwak ndida itie ke ini uwa mbubreyo. Nko, ofuri esop nditọ Israel eda ke mme usuñ ufok-ọfọñ mmọ, ubak eboho ekanade ñkañ aña Ataya, enyū ebọñ akam, ke ini ewade mbiet Eyen-Erọñ Uwa Calvary, emi edidide ke itie-uwa okpoho.

Utom Abasi edi se ikponde ikan ubok utom efen owo ekpenyenede, ndien ke enode ikot emi, akpana eda enye nte ke edi idaha eke okponde akan. Mme ifet eke eduokde edi ñkpọ eke adade mfuhọ ye eritua mkpofikọ edi, minyū idighe se esopde efere okposuk edi ebighide. “Koro Abasi mituaha mkpofikọ ibaña enọ ye ikot Esie” (Nwedi Mbon Rome 11:29).

Enam nnyin ifikọ ite ke ana nte Abasi nnyin anam uduak Esie, koro usuñ owo mikemeke nditie nte eke Esie. Enye onim idaha owo kiet-kiet ke utom Esie; Enye emek mbon utom Esie; Enye ọnọ udeme utom owo kiet-kiet, onyū onim owo kiet-kiet ke ufok Abasi ke itie eke Enye amade. Edi ikureke ke oro. Abasi ọnọ kpukpru se mme anam-utom Esie eyomde ke emi, eyenyū ekpe mmọ utip ke akpatre; Enye ñko onyū edi udeme mmọ, idorenyin, idara mmọ, ye ndoñesit mmọ!

### **MME MBUME**

1. Siak enyū ikpehe ita emi ekebaharede ubon Levi esin.
2. Ewe ubon ke Moses ye Aaron eketo?
3. Nso edi ntak emi ekedade ubon Levi, midaha mme akpan ke Israel?
4. Edinam emi okokpuhore didie ye akpa uduak Abasi ke abaña nditọ Israel?
5. Da ibat mme akpan ke Israel domo ye ibat mme Levi ototode ke eyen ofiọñ kiet ka iso.
6. Anie ekese ofuri-ofuri abaña mme Levi?
7. Anie ekenyene ndikpeme ikpehe kiet-kiet?
8. Nso ikedi mme utom ikpehe kiet-kiet?
9. Nso ukpep-ñkpọ ke nnyin ikeme ndinyene ke abaña usuñ nte ikemedede ndinam utom Abasi mfin emi; ito ke usuñ nte eketemedede mmọ ndinam utom mmọ?
10. Edieke nnyin iyakde Edisana Spirit ada nnyin usuñ, nte akpanade edi, ndutime mme ubahare ididuhe ke idade ndinam ñkpọ nnọ Abasi. Tiñ ntak.